

旨金克愷自禁府來啓曰推孝貞三切隣則皆曰前年十一月間以娶妻事下鄉其後不見云大槩相似故不刑訊也傳曰孝貞所供與三切隣之言相同而謀議則十二月云姑待長連書狀可也○壬午傳于政院曰武科殿試慶會樓下試取事已定更思之纔除逆黨不以法駕行幸試取則無知之入必相告語曰自上有疑下人而然也如此則非但國威虧損亦無以鎮定人心政院意如何屢改彌令亦為煩數其僉議以啓政院啓曰前日或試於慕華館或試於慶會樓下此例則固有之矣但今纔正奸黨之罪若於慶會樓下試取則有識之人誰敢妄議無知之輩必以為然上敕至當請與大臣更議之傳曰其議于三公○南袞議曰慶會樓下試取固無妨矣但近有兇口云云之嫌臣未及料之昨日議啓如是今承上敕欲依禮文試取于射壇聖意至當李惟清權鈞議亦同○下京畿監司狀啓曰河益粹今已見捉速下禁府推其逃亡辭緣及相與謀議之狀照律以啓且忠順衛李榮忠尋蹤得捉依事目論賞長湍府使李嗣宗亦賜鄉表裡且今方農時即以河盜粹吳弼卿就捕辭緣下諭八道使勿購捕○全羅道南平地震○夜南方有氣如火○癸未推官啓曰河益粹以緣坐當依律處絞然亡命